



**Thesaurus Eloqventiae Sacrae Et Profanae, Saluti &
incolumitati Rerumpublicarum utilissimae**

Alberti, Alberto

Coloniae Agrippinae, 1669

Præmunitio quarta definiens, qualis ornatus in exornationibus requiratur,
qualis repudietu[...]

[urn:nbn:de:hbz:466:1-69225](#)

IN GENERE EXORNATIVO. 6^r

toto ingenio niti debet, ut rem præsentem, notamq; intuentibus Auditoribus, veit per occulta summi artificii machinamenta, ac prodigiosa amplificationis automata, D^r in D^r immensam quandam educat magnitudinem, eamq; mira persuasionis dexteritate credibili omnino animis admoveat Auscultatorū. Atque hoc demum amplificandi artificium, quod tamen totū ad persuasionem dirigitur, illa illa facultas est Oratoris, de quā Auscultator, tanquam oculatus spectator, judicat, eamq; ab illo requirit, cuius molimine fidem assensumq; explicat, amplificatisq; ab eodē præconiis tribuat. Addo etiam, quum in laudationibus omnia ad laudes persuadendas præcipue exornentur, & longè uberior, quā in reliquis caussis, florentis eloquentiæ exultet opulentia, atque interdum licentior quædam se prodat ostentatio; recte in his iudicium de Oratoris facultate ab Auscultatore ferri, Aristotelem asseverasse. Cæterum, quis sit Rhetoricæ Academicæ finis, oblectatio, an persuasio, quia de cā disceptare mihi in animo non est; neque consilio meo quicquam adversatur, diligentius porro exquirere, supervacaneum est.

Pramunitio quartæ definitio, qualis ornatus in exornationibus requiratur, qualis repudietur.

37 **H**ic enim verò, Auditores, magnū mihi videor exaudire Adversariorū clamorem,

C. 71

rem, & quasi omnia eloquentiae ornamenta
A penitus sint clamata, **A** his tumultuan-
tium vocibus undique certatimque me oppu-
gnari. Ergone ab Oratione omnis concin-
nitas, omnis metaphorarum lepos, omnes
acuminum veneres arcendae sunt? squalor
tantum, situs, ac macies quædam styli omnia
occupabit, & deformabit. Deliberativæ, Ju-
dicialesque causæ, detritâ atq; incultâ lacernâ
B Bindutæ, per curiam & forum tantummodo
incident: malum! Sed forendum utcunq;. At
in Demonstrativo genere, quod totum jucun-
ditatis causâ comparatum est, & artem scitè
venusteque dicendi non modo habet, sed pro-
fitetur, in quo & sententiarum gratia paranda
C est, & arguti, certique periodorum ambitus
D graphicæ describendi; quis pædorem, Ctri-
stitiam, atq; horrorem strigosæ Dferat Ora-
tionis? Hæc sunt, opinor, ne quid asperius
E dicam, hominum festivè somniantium anilia
terrificamenta. E Nam quis est tam severi
supercilii, quis tam agrestis ingenii, ut omnē
F muadum F cultumque invideat Orationi?
Ecquis Stoicus tā siccus ac jejunus aliquando
fuit, quin longè majorē popularibus caussis,
quām philosophicis disputationibus; & exor-
nationibus, quām cæteris generibus, largi-
retur festivitatem? Quasi vero ullus unquam
in literariis Gymnasii tiro tam bardus,
ullus tam fungus, vel stipes existat, quin ipso
penè Rheticæ facultatis in limine intel-
ligat, certa quædam schemata, & lumina,
suas argutias, atque sententias, verborum,
rerumq;

rerumque ornamenta quum omni Orationi
pro loco, causâ, tempore, ac pertonis, tum
verò laudationibus maximè jure deberi, &
propria esse? Nolite, quæso, ornamentorum
Myropolæ, G in re minimè controversâ
tricari H putidè. Ornamenta, sententiae, G
acumina ne detrahantur Orationi, metuitis? H
non detraho. Demonstrativum genus ma-
jore quodam nitidioris eloquentiae apparatu
gaudere contenditis? non repugno. Breviter,
atq; explicatè, ne quis vestrum contra hiscere
I deinceps possit, quid totâ hac dere sancitum I
habeam, accipite.

38. Ego ornatum illum, sive rerum, sive
verborum, acuminum, vel sententiarum; argu-
tiarum, aut venerum, non invitus recipio
omnem; quin ultiro etiam requiro, qui, quum
Oratoris fini, hoc est, persuasiōni conse-
quendæ nihil incommodet, eidem insuper
perficiendæ conducit: illum verò, qui cum
eodem fine vel rectâ pugnat, vel ex obliquo
ipſi quacunq; tandem ratione officit, omnem
proscribo, eidemque igne, atque aquâ penitus
interdico. Datur igitur in exornatione venia
hilarioribus descriptionibus, datur amoeniori-
bus flosculis, datur acutioribus sententiis.
Patior. Digressiones aliquando interserun-
tur. Conniveo At illud semper arcte te-
nendum, illud præ oculis continuò haben-
dum qui cum fine Oratori proposito hæc
omnia, & similia consentiant. Nam si quis
putaret licere Oratori arbitratu suo, modo
in hanc, modo in illam ab caussâ disunctis-
simas

sumam digressionem intempestivè divertere; nā ille toto , quod ajunt , cælo aberraret. Quæ enim magis posset esse præceps licentia, quæ magis insana temeritas ? Verùm sapientissimi dicendi magistri , quum hujusmodi præceptis suos imbuunt discipulos , hoc tantum docere cupiunt, id genus amcenitates ad tædium vel longioris Orationis , vel tristioris argumenti , vel alterius incommodi levandū, nunc ad palpandos Judices , jam ad irridendos Adversarios , modo ad diluendam testium fidem , nunc denique ad alia consimilia officia, quæ tamen omnia cum causa , fineq; Oratoris copulata sint , aptè & commode posse usurpari.

39. At intercedet hic aliquis huic psephifaciat A ac legi: Liberius multò, inquiet, in exornationibus Oratori patet campus , quām ut Has in angustias , salebrasque miserè compingatur. Nam si placet ad aures demulcendas venustum aliquid mollioribus sonis modulari ; si ad risum excitandum jocis ac salibus liberalius sedeat B indulgere, si ad curiositatis delicias condiendas acuminibus argutisque infercire arrideat orationem , si ad voluptatem afferendam lepores oannis generis , ac lumina lubeat frequentare ; et si hæc omnia ad finem Oratori propositum non conferant, nihil refert , satis est , si non obsunt. Quis enim est iste eloquentia Dictatore dicam, an Tyrannus , qui Oratorem , quo minus ad oblectandos Auditorum animos hujusmodi etiam styli hilaritatibus expolire queat Orationem,

tionem intollerabili audeat severitate , aut
potius sævitia prohibere?

40. Verum nihil agunt , nihil moliuntur
concinnate , Aut ita loquar , ac plus æquo A
vibrantis B eloquentiæ lepidissimi defensores. B
Nam rursus illud urgeo , nullam descriptio-
nem quid descriptiōnem? nullam sententiam.
sententiam? imo nullum acumen, nullamque
particulam in Oratione otiosam esse toleran-
dam : omnia, quæ persuasionis fini obtinen-
do non savent , de medio prorsum esse remo-
venda. Quid enim ? si nulli sunt usui , qūin-
tutò omittuntur ? si persuasionem nulla ex
parte promovent, quorsum intruduntur ? At
oblectant Auditorem. Esto. Sed illa oble-
ctatio ab eis modi Orationis afflata mulso, C C
quæro, Auditoremne reddit magis attentum,
vel Oratori magis benevolum, ut quæ dein-
ceps ille dicturus est, lubentiùs auscultet, au-
ditis faciliùs assentiat, persuasionemque pro-
cliviùs accipiat ? Si hujus notæ, ac generis est
illa delectatio, quis non videt, eam cum per-
suasionis fine esse sociatim ? Sive cālm pro-
ximè, sive longius ad finem ducat, dummo-
do eò feratur , nihil moror. Quin ego ipse,
qui omnem ornatum, quicunque, & quantus-
cunque sit , modò Oratori fini obsequatur,
jam antea non solum à me probari, sed ex-
peti etiam professus sum , eis modi oblecta-
tionem per has illecebras veneresque concin-
nandam pronuncio. Sin autem ea delectatio
Auditorum animos vel avocat à caussâ in-
longinquum; vel intemperantiūs exhilarat ;
vel

66. P. I. DE ORN. EXORNATIONUM
vel motum, quem jam intorta enthymemata
excitabant, restringuit, aut certe refrigerat;
vel fidem explicatarum rationum sensim im-
minuit; vel gravis, robustæq; orationis paulò
ante vibratæ recentem obscurat memoriam;
vel ad ea, quæ proximè subjicienda sunt, Au-
ditorem non præparat, sed præpedit; si de-
mum à persuasione quacunque tandem ratio-
ne retrahit, præcidenda omnino est, atque
omittenda. Adde etiā, et si ejusmodi sermonis
irritamenta fini assequēdo utcunq; interviant;
siis prætermissis, alia rationum momenta,
eorum explicata loco, melius, firmiusque ad
eundem perducant finem, amputanda itidem
esse, ut validioribus locus rationibus conce-
datur. Alioqui si satis est, Auditorum aures
qualicunque oblectatione detinere, licebit in
rerum ab Oratione alienissimarum impor-
tunas descriptiones excurrere; licebit allego-
rias è locis causâ nostrâ contrariis educere;
licebit omnes deliciarum flores temerè car-
pere; licebit cunctos annominationum lusus

Djocosq; velut in mergitem, **D**ac fascem per-
turbate colligare. Quo quid dementius deli-
ræ anus excogitare possint, equidem divinare
nequeo. Hæc igitur per se ita perspicua si
quis adhuc inconsultè neget, cui tandem ve-
ritati subscripturus sit, planè non video. Nam
si hoc cuivis naturâ duce in confessio est; si si-
ne potiri velis; omnia, quæ, quo minus eo
potiaris, te remorantur, esse amolienda; quæ
infania est, eam Auditorum voluptatem quæ
illos à persuasione vel penitus abducat, vel
certe

certè retardet, venari? Quare non ornamenti omnibus, non acuminibus, non argutiis, non sententiis, non aliis hujusmodi coloribus spoliamus Orationem; sed nimiam tantum frequentiam carpimus, immodicum usum coercemus, effrenem quandam intemperantiam reprehendimus.

Pramunitio quinta, exploratè demonstrans, quo modo acuminum aut ornamentorum virtuosa redundantia à castigata eorundem moderatione secernenda sit.

41. **S**ed ne in confirmationis paulò post à me texendæ structurā nodus ullus tanquam in scripto **A** ab Adversariis quæri **A** possit, quid sit hæc ornamentorum exuberantia, **B** quam fugillamus; quid eorundem **B** temperatio, quam laudamus, præcisè enucleateque pluribus edifferendum est, ne, si incertis finibus utramque confusam relinquamus, unam pro aliâ nostri isti oblectationis Cupedinarii **C** sibi curæ esse subdolè præ se ferentes, densamque acuminum silvam temperantiae nomine bellè cohonestantes, extra omnem hujusce Actionis mæx iustum sepositos, ac tutos arbitrentur. Aliam certè ab alterâ utu facilius atque experienciâ, quâm sermonis coloribus, aut linguae penicillo licet distinguere. Nihilominus haud obscuris vestigiis vel intima veritatis cubilia hic quoque se produnt,